

সপ্তদশ অধ্যায় নির্বাচন পর্যবেক্ষণ

১. ভূমিকা

বাংলাদেশে পেশাদার কোনো নির্বাচন পর্যবেক্ষক সংস্থা নেই। স্থানীয় নির্বাচন পর্যবেক্ষণ সংস্থাগুলো বেশিরভাগ ক্ষেত্রেই নির্বাচন পর্যবেক্ষণকে সাময়িক বা নির্বাচনকালীন একটি কাজ হিসেবে বিবেচনা করে। ফলে পৃথিবীর অনেক দেশের (যেমন, ইন্দোনেশিয়া) ন্যায় বাংলাদেশের নির্বাচন পর্যবেক্ষণ এখন পর্যন্ত প্রাতিষ্ঠানিক ভিত্তির ওপর দাঁড়াতে পারেনি। ২০১৪-২০২৪ সময়কালে বিশ্বাসযোগ্য পর্যবেক্ষণ না থাকায় নির্বাচন কমিশন এবং সরকার নানা অপকৌশল অবলম্বন করে অপেশাদার এবং ভুয়া পর্যবেক্ষক নিয়োগ দেয়।

২. নির্বাচন পর্যবেক্ষণ ২০১৪

২০১৪ সাল থেকে গ্রহসনের নির্বাচন পর্যবেক্ষণ শুরু হয়। বিনা প্রতিদ্বন্দ্বিতার এ নির্বাচনে ৪ জন বিদেশি সহ মোট ৮,৮৭৪ জন পর্যবেক্ষক নির্বাচন পর্যবেক্ষণ করে। পেশাদার সকল আন্তর্জাতিক পর্যবেক্ষক সংস্থা বিনা প্রতিদ্বন্দ্বিতার এ নির্বাচন বর্জন করে। ফলে কমিশন চার জন বিদেশি পর্যবেক্ষকে সরকারি তহবিলে আমন্ত্রণ করে।

৩. নির্বাচন পর্যবেক্ষণ ২০১৮

২০১৮ সালে ৪টি বিদেশি সংস্থার ৩৮ জন পর্যবেক্ষক এবং ৮১টি সংস্থার ২৫,৯০০ জন দেশি পর্যবেক্ষক নির্বাচন পর্যবেক্ষণ করে। নির্বাচন কমিশন স্বাভাবিক প্রক্রিয়াতেই দেশি সংস্থার নিবন্ধন সম্পন্ন করার পর জাতীয় সংসদ নির্বাচনের পূর্বে বেশ কয়েকটি সিটি কর্পোরেশন নির্বাচন অনুষ্ঠিত হয়। ইলেকশন ওয়ার্কিং গ্রুপের (ইডব্লিউজি) অন্তর্ভুক্ত সংস্থাগুলো নিরপেক্ষতা ও বিশ্বাসযোগ্যতা বজায় রেখে এসব সিটি কর্পোরেশন নির্বাচন পর্যবেক্ষণ করে। কিন্তু এসব পর্যবেক্ষণের ফলাফল সরকারের পছন্দ না হওয়ায় সরকার কমপক্ষে দুটি পদক্ষেপ গ্রহণ করে। প্রথমত, এনজিও এ্যাফেয়ার্স ব্যুরোর মাধ্যমে সংস্থাগুলোকে একটি সভায় আমন্ত্রণ জানানো হয়। ঐ সভায় সংস্থাগুলোর, বিশেষ করে ইডব্লিউজিভুক্ত সংস্থাগুলোর, অনুকূলে অনুমোদনকৃত অর্থের পর্যালোচনা করা হয় যা বিরল। পরে কয়েকটি আওয়ামী লীগ সমর্থিত সংস্থার অর্থ অনুমোদন বহাল রেখে বাকি সকল সংস্থার অর্থের অনুমোদন বাতিল করা হয়। ফলে এ সংস্থাগুলো নির্বাচন পর্যবেক্ষণ থেকে বিরত থাকতে বাধ্য হয়। নির্বাচন কমিশন থেকে জানা যায় একটি গোয়েন্দা সংস্থা ঐ সময়ে নিবন্ধিত নিরপেক্ষ হিসেবে পরিচিত সংস্থাগুলোর নিবন্ধন বাতিল করতে চাপ দিলেও কমিশন রাজি হয়নি। দ্বিতীয়ত, ২০১৭ সালে ইডব্লিউজিকে কারিগরি ও আর্থিক সহায়তা দানকারী সংস্থা এশিয়া ফাউন্ডেশনকে আওয়ামী লীগের কেন্দ্রীয় কার্যালয় থেকে ফোন করে ডেকে নেওয়া হয়। দলটির যুগ্ম সাধারণ সম্পাদক মাহবুবুল আলম হানিফের নেতৃত্বে একটি দল নানাভাবে এশিয়া ফাউন্ডেশনকে ইডব্লিউজিকে সহায়তা না দেবার পরামর্শ দেয়।

৪. নির্বাচন পর্যবেক্ষণ ২০২৪

৪.১. বিদেশি পর্যবেক্ষক

২০১৪ সালে সর্বমোট ১২৪ জন বিদেশি পর্যবেক্ষক ও ৪৪ জন বিদেশি সাংবাদিক নির্বাচন পর্যবেক্ষণ করে। বিদেশি পর্যবেক্ষকদের মধ্যে বাংলাদেশে অবস্থিত জাপান দূতাবাসের ১৩ জন, এবং রাশিয়ান ও ফিলিস্তিন দূতাবাসের ১ জন করে ২জন সহ মোট ৭৯ জন বিদেশি পর্যবেক্ষক স্বপ্রণোদিত হয়ে নির্বাচন পর্যবেক্ষণ করে। এছাড়া পররাষ্ট্র মন্ত্রণালয় ২৭ জন বিদেশিকে নির্বাচন পর্যবেক্ষণ করতে আমন্ত্রণ জানায়। অধিকন্তু, নির্বাচন কমিশনের আমন্ত্রণে ১৮ জন বিদেশি পর্যবেক্ষক নির্বাচন পর্যবেক্ষণ করে। যে ৭৯ জন বিদেশি পর্যবেক্ষক

স্বপ্রণোদিত হয়ে নির্বাচন পর্যবেক্ষণ করে তাদের মধ্যে ইউরোপীয় ইউনিয়নের ৪ জন, আইআরআই-এনডিআই এর ১২ জন, South Asia Democracy Forum এর ৪ জনা এবং Commonwealth Secretariat এর ১৭ জন ছাড়া বাকি সবাই নির্বাচন পর্যবেক্ষণের জন্য পরিচিত কোন প্রতিষ্ঠানের নয়। এদের কেউ কেউ ব্যবসায়ী ও self-employedও ছিল। পররাষ্ট্র মন্ত্রণালয় যে ২৭ জনকে আমন্ত্রণ জানায় তাদের মধ্যে জর্ডান, লেবানন, গাম্বিয়া, নাইজেরিয়া, প্যালেস্টাইন, আরব পার্লামেন্ট, Commonwealth Secretariat এবং কানাডার নাগরিক ছিল। অন্যদিকে নির্বাচন কমিশন চীন, ভারত, শ্রীলংকা, উজবেকিস্তান, রাশিয়া, মরিশাস, এবং ওআইসি থেকে ১৮ জনকে আমন্ত্রণ করে। পররাষ্ট্র মন্ত্রণালয় কর্তৃক আমন্ত্রিতদের ব্যয়ও নির্বাহ করা হয় নির্বাচন কমিশনের বাজেট থেকে। পররাষ্ট্র মন্ত্রণালয় এবং নির্বাচন কমিশন কর্তৃক আমন্ত্রিত মোট ৪৫ জন বিদেশির জন্য সরকারের মোট খরচ হয় ৮৫,৫৫,০০০ টাকা। সোনারগাঁ হোটেলের বিল ৫৩,৬৯,৭৬২ টাকা।

৪.২. স্থানীয় পর্যবেক্ষক

নির্বাচন কমিশন স্থানীয় পর্যবেক্ষক সংস্থা নিবন্ধনের জন্য দরখাস্ত আহ্বান করলে মোট ১৯৯ টি সংস্থা আবেদন করে। নির্ধারিত তারিখের পরে আরো ১১টি সংস্থা আবেদন করলেও প্রথমে তাদেরকে বিবেচনায় নেয়া হয়নি। পরে ৭টি সংস্থাকে ‘ডেসপ্যাচে সময়মত এন্ট্রি হয়নি’ এমন বিবেচনায় অন্তর্ভুক্ত করে মোট ২০৬টি সংস্থার আবেদন প্রাথমিক যাচাইয়ের জন্য নির্বাচন কমিশনের যুগ্মসচিব (আইন) এর নেতৃত্বে একটি কমিটি করা হয়। কমিটির যাচাই অনুযায়ী ৯৪টি সংস্থা নিবন্ধনের শর্ত পূরণ করে এবং অবশিষ্ট ১১২টি শর্ত পূরণ করতে পারেনি বলে অভিমত দিয়ে ৯৪টি সংস্থার বিপরীতে কোন আপত্তি আছে কি-না তা জানার জন্য নীতিমালা অনুযায়ী পত্রিকায় বিজ্ঞপ্তি প্রকাশের প্রস্তাব করে। কমিশনের নথি অনুযায়ী এ প্রস্তাবের বিপরীতে তৎকালীন অতিরিক্ত সচিব অশোক কুমার দেবনাথ গণবিজ্ঞপ্তি দেবার পূর্বে গোয়েন্দা সংস্থা দিয়ে তদন্ত করার প্রস্তাব দিলে সচিব মোঃ জাহাঙ্গীর সে প্রস্তাব সমর্থন করে কমিশনের অনুমোদনের জন্য প্রেরণ করে। কমিশন অনানুষ্ঠানিক আলোচনা করে গোয়েন্দা সংস্থা দিয়ে যাচাইয়ের প্রস্তাব অনুমোদন করলে দুটি গোয়েন্দা সংস্থা - পুলিশের স্পেশাল ব্রাঞ্চ ও জাতীয় নিরাপত্তা গোয়েন্দা সংস্থা (এসএসআই) ৯৪টি প্রতিষ্ঠান সম্পর্কে যাচাই করে।

এনএসআই ১১টি সংস্থার বিরুদ্ধে নেতিবাচক প্রতিবেদন দেয় যার মধ্যে ৪টির বিরুদ্ধে রাজনৈতিক এবং অন্য ৭টির বিরুদ্ধে অরাজনৈতিক কারণ উল্লেখ ছিল। স্পেশাল ব্রাঞ্চ মোট ৩৬টি সংস্থার বিরুদ্ধে নেতিবাচক প্রতিবেদন দেয় যার মধ্যে ২০টির বিরুদ্ধে রাজনৈতিক এবং অন্য ১৬টির বিরুদ্ধে অরাজনৈতিক কারণ উল্লেখ ছিল। ৫টি সংস্থার বিরুদ্ধে দুটি গোয়েন্দা সংস্থাই নেতিবাচক প্রতিবেদন দেয়। এ সংস্থাগুলো ছিল: আইন ও মানবাধিকার সুরক্ষা ফাউন্ডেশন, বাংলাদেশ মানবাধিকার কমিশন, ডেভেলপমেন্ট ফর ডিসএবল্ড চিলড্রেন এন্ড উইমেন, মানবাধিকার ও সমাজ উন্নয়ন সংস্থা (মওসুস), এবং প্রত্যয় সোস্যাল ফাউন্ডেশন। এছাড়া একটি সংস্থার (নথিতে সংস্থার নাম উল্লেখ নেই) প্রতিবেদন থেকে দেখা যায় ১৩ টি সংস্থার কার্যনির্বাহী কমিটির কোন কোন না সদস্য ক্ষমতাসীন আওয়ামী লীগের রাজনীতির সাথে জড়িত। এগুলো ছিল: রুরাল ভিশন (আরডি); সেন্টার ফর সোস্যাল ডেভেলপমেন্ট কুড়িগ্রাম (সিএসডিকে); ইলেকশন মনিটরিং ফোরাম; সার্ক মানবাধিকার ফাউন্ডেশন; রুরাল অর্গানাইজেশন ফর অরিয়েন্টেশন এন্ড টেকনিক্যাল সাপোর্টস (রুটস); প্রোগ্রাম ফর ইকো সোস্যাল ডেভেলপমেন্ট; এসডাপ; ডেভেলপমেন্ট অর্গানাইজেশন অব কোস্টাল এরিয়াস পিপল (ডোক্যাপ); এসো সমাজ গড়ি (ASG); নজরুল স্মৃতি সংসদ (এনএসএস); শিশু প্রতিভা বিকাশ কেন্দ্র (এসপিবিকে) এবং বাংলাদেশ এসোসিয়েশন ফর ইনটেনসিভ ডেভেলপমেন্ট (বিডিএআইডি)। নির্বাচন কমিশন চূড়ান্তভাবে প্রথম দফায় মোট ৬৮টি সংস্থাকে নিবন্ধন দেয়। নিবন্ধনকৃত সংস্থার সংখ্যা কম হওয়ায় কমিশন পুনর্বিজ্ঞপ্তির মাধ্যমে একই প্রক্রিয়ায় আরও ২৯টি সংস্থাকে দ্বিতীয় দফায় নিবন্ধন প্রদান করে। ফলে নিবন্ধিত মোট সংস্থার সংখ্যা দাঁড়ায় ৯৭ টি। উল্লেখ্য, ঐ সময়ে পত্র-পত্রিকায়ও কিছু সংস্থা সম্পর্কে তাদের রাজনৈতিক সংশ্লিষ্টতা প্রকাশিত হয়েছিল। এ ধরনের কয়েকটি সংস্থার রাজনৈতিক সংশ্লিষ্টতা সারণি ১৭.১ এ উল্লেখ করা হল।

সারণি ১৭.১: পত্র-পত্রিকায় প্রকাশিত কয়েকটি সংস্থার রাজনৈতিক সংশ্লিষ্টতা

সংস্থার নাম	রাজনৈতিক সংশ্লিষ্টতা
Rajshahi Health Education Service Foundation (Rajshahi)	প্রতিষ্ঠানটির চেয়ারম্যান আর কে দত্ত রূপন রাজশাহী মহানগর তাত্ত্বিক লীগের সহ-সভাপতি।
Social Development Organization (SDO) (Jamalpur)	প্রতিষ্ঠানটির সাধারণ সম্পাদক রফিকুল ইসলাম জামালপুর সদর উপজেলার শরিফপুর ইউনিয়নের ১ নং ওয়ার্ড আওয়ামী লীগের সভাপতি।
Highlight Foundation (Faridpur)	প্রতিষ্ঠানটির চেয়ারম্যান শহীদুল ইসলাম ১৯৯১ সালের নির্বাচনে ফরিদপুর-৫ আসন থেকে জাতীয় পার্টির প্রার্থী ছিলেন।
Human Rights Watch Commission (Manikganj)	প্রতিষ্ঠানটির সাধারণ সম্পাদক নুরুল ইসলাম সাত্তার মানিকগঞ্জ জেলা আওয়ামী লীগের সহ-সভাপতি।
Shishu Protiva Bikash Kendro (SPBK) (Dhaka)	প্রতিষ্ঠানটির চেয়ারম্যান মিজানুর রহমান ঢাকা উত্তর ছাত্রলীগের সভাপতি ছিলেন।
SAARC Human Rights Foundation	আওয়ামী লীগের দলীয় সংসদ সদস্য আর এ এম ওবায়দুল মুক্তাদির চৌধুরী এ প্রতিষ্ঠানটির চেয়ারম্যান।

এসব পর্যবেক্ষকরা ২০২৪ সালের ৭ জানুয়ারি অনুষ্ঠিত নির্বাচন পর্যবেক্ষণ করে। নির্বাচনের গ্রহণযোগ্যতা নিয়ে নানা রকম প্রশ্ন থাকলেও বেশিরভাগ সংস্থা নির্বাচন নিয়ে ধনাত্মক পর্যবেক্ষণ দেয়। যেসব ১,০০০ বা তদূর্ধ্ব পর্যবেক্ষক নিয়োগ দিয়েছেন তাদের প্রতিবেদনের সারাংশ সারণি ১৭.২ এ তুলে ধরা হল।

সারণি ১৭.২: যেসব সংস্থা ১,০০০ বা তদূর্ধ্ব পর্যবেক্ষক নিয়োগ দিয়েছিল তাদের প্রতিবেদনের সারাংশ

সংস্থার নাম	পর্যবেক্ষণের পরিধি পর্যবেক্ষক সংখ্যা	উল্লেখযোগ্য পর্যবেক্ষণ
প্রকাশ গণকেন্দ্র	৭২টি আসন ১,০৫০ জন	নিরাপত্তা পরিস্থিতি স্বাভাবিক ও সন্তোষজনক ছিল।
ইলেকশন মনিটরিং ফোরাম	৩১টি আসন সংখ্যা উল্লেখ নেই	দ্বাদশ জাতীয় সংসদ নির্বাচন শান্তিপূর্ণ, অবাধ, সুষ্ঠু ও আনন্দঘন পরিবেশে অনুষ্ঠিত হয়েছে।
বিয়ান মনি সোসাইটি	৭১ টি আসন ১,৩৮৯ জন	নিরাপত্তা পরিস্থিতি স্বাভাবিক ও সন্তোষজনক ছিল।
সার্ক মানবাধিকার ফাউন্ডেশন	৮৩টি আসন সংখ্যা উল্লেখ নেই	কোন অনিয়ম, অসংগতি পরিলক্ষিত হয়নি। নির্বাচন শান্তিপূর্ণ, অবাধ, সুষ্ঠু ও আনন্দঘন পরিবেশে অনুষ্ঠিত হয়েছে।
জাতীয় নির্বাচন পর্যবেক্ষণ পরিষদ (জানিপপ)	সমগ্র বাংলাদেশ ১,৫০০ জন	জাল ভোট, কেন্দ্র দখল ও পোলিং এজেন্টদের বিতারণের ঘটনা ঘটে। স্বতন্ত্র প্রার্থীদের ব্যাপক প্রতিদ্বন্দ্বিতা দ্বাদশ জাতীয় সংসদ নির্বাচনে নতুন মাত্রা যুক্ত করে। ভোট গ্রহণ পর্ব শান্তিপূর্ণ ছিল।
ডেভেলপমেন্ট হেল্পিং কী	১২৭টি আসন ১,৭৮৫ জন	ভোটের নিবিড় ভোট কেন্দ্রে আসতে পেরেছে। সুষ্ঠু, স্বাভাবিক ও শান্তিপূর্ণভাবে শেষ হয়েছে।

এখানে উল্লেখ্য যে, ২০২৪ সালের নির্বাচন পর্যবেক্ষণে দাতা সংস্থার কোন অনুদান ছিল না। এসব সংস্থা কিভাবে এত পর্যবেক্ষক নিয়োগ দিল এবং তাদের অর্থের উৎস কী ছিল তা নিয়ে অধিকতর তদন্ত হওয়া উচিত।

তদন্তে প্রাপ্ত ফলাফল

- নির্বাচনকে বৈধতা দেওয়ার প্রচেষ্টা হিসেবে ২০১৪ সাল থেকে নির্বাচন কমিশন/সরকার জনগণের অর্থ ব্যয় করে অপেশাদার বিদেশি পর্যবেক্ষকদের আমন্ত্রণ করে।
- ২০১৪ সালে সরকারের পরামর্শে সরকার-সমর্থক নয় এমন সংস্থার তহবিল এজিও অ্যাফেয়ার্স ব্যুরোর মাধ্যমে বাতিল করা হয় যাতে এসব সংস্থা নির্বাচন পর্যবেক্ষণ করতে না পারে।
- ২০১৮ এবং ২০২৪ সালের নির্বাচনের পূর্বে নির্বাচন কমিশন রাজনৈতিক উদ্দেশ্যে নিবন্ধন-আবেদনকারী সংস্থার যাচাই কমিশনের কর্মকর্তাদের পরিবর্তে গোয়েন্দা সংস্থার হাতে ন্যস্ত করে।
- গোয়েন্দা সংস্থার প্রতিবেদন নেতিবাচক হওয়ার পরও নির্বাচন কমিশন কখনও কখনও কিছু সংস্থাকে নিবন্ধন প্রদান করেছে। উদাহরণস্বরূপ দ্বাদশ সংসদ নির্বাচনের পূর্বে প্রথম দফায় মানবাধিকার ও সমাজ উন্নয়ন সংস্থা (মওসুস) এবং প্রথম দফায় আওয়ামী লীগের সংশ্লিষ্টতা থাকা সত্ত্বেও দ্বিতীয় দফায় সার্ক হিউম্যান রাইটস ফাউন্ডেশন এবং ইলেকশন মনিটরিং ফোরামকে

